

REPUBLIKA Y’U RWANDA



MINISITIRI W’INTEBE

**IJAMBO RYA MINISITIRI W’INTEBE
DR. NGIRENTE EDOUARD**

**NYUMA Y’UMUHANGO WO KWAKIRA INDAHIRO
Y’ABASHINJACYAHA**

Kigali, ku wa 25 Ugushyingo 2019

- **Ba Nyakubahwa ba Minisitiri,**
- **Nyakubahwa Mushinjacyaha Mukuru,**
- **Bayobozi bakuru b’Ingabo z’Igihugu muri hano,**
- **Bayobozi mwese muri hano,**
- **Bashinjacyaha mumaze kurahira,**
- **Abagize imiryango yanyu baje babaherekeje,**

Mwiriwe neza?

1. Ndabashimiye mwese kuba mwitabiriye uyu muhango w’ingirakamaro.
2. Ndagira ngo ntangire nifuriza imirimo myiza aba bashinjacyaha bamaze kurahira aribo: Madamu UWASE Alice na Bwana HABIMANA Donath bo ku Rwego Rwisumbuye na Lieutenant MUKAMANA Christine, Umushinjacyaha wa Gisirikare. Bose bakaba baremejwe n’Inama y’Abaminisitiri yo ku wa 10 Ukwakira 2019.
3. Umunsi nk’uyu nk’uko twese tubizi aba ari umwanya wo kwakira indahiro. Ariko aba ari n’umwanya mwiza wo kwibukiranya hagati yacu n’Abashinjacyaha baba baremejwe n’Inama y’Abaminisitiri ku buryo inshingano zanyu mugiyemo zikomeye. Inshingano mumaze kurahirira ni inshingano ziremereye kubera ko ni akazi karebana no kubahiriza amategeko, uburenganzira bwa muntu, ndetse n’ubusugire bw’Igihugu cyacu muri rusange.
4. Murasabwa kuzakorana akazi kanyu umurava ariko munagamije no gusigasira icyizere Inama y’Abaminisitiri yabagiriye. Ntimuzatire icyo cyizere Umukuru w’Igihugu yabagiriye. Nkaba ngira ngo nongere mbibutse ko umwuga wanyu usaba ubwitange, ubushishozi, n’ubunyangamugayo.

9. Guverinoma y'u Rwanda irabizeza inkunga yayo kugira ngo muzasohoze neza inshingano zanyu. Muri urwo rwego, Leta izaborohereza kubona amahugurwa ahagije mu by'amategeko kuko akazi k'ubutabera mugiyeye gutangira gukora gasaba no guhora mwihugura kugira ngo mubashe guhangana n'amayeri y'abakora ibyaha.

10. Ndagira ngo ndangize iri jambo nongera kwifuriza imirimo myiza Abashinjacyaha bamaze kurahira. Nongeye kandi gushimira urwego rw'Ubutabera muri Rusange mu Rwanda kubera akazi keza bakora, harimo kwegereza abaturage ubutabera binyuze mu nzu zitanga ubufasha mu by'amategeko (*Maisons d'Accès à la Justice/MAJ*) ziri mu Turere twose tw'Igihugu no gutanga serivisi nziza binyuze mu gukoresha ikoranabuhanga. Ndabasaba rero ngo mukomereze aho, mudufashe guteza imbere Igihugu cyacu, turwanya ibyaha byose bishobora kuvuka, n'ibisanzwe bikorwa.

Nongeye kubifuriza umunsi mwiza.

Mugire amahoro!